

ՓԱՍՏԱԲԱՆՆԵՐԻ ՊԱԼԱՏՈՒՄ ԸՆՏՐՈՒԹՅԱՆ ՕՐ Է . ՉԵՐԹԱԿԱՆ ԸՆԴՀԱՆՈՒՐ ԺՈՂՈՎ

11.02.2017 14:30



Մեկնարկել են 22 փաստաբանների պալատի խորհրդի ընտրությունները:

Չերթական ընդհանուր ժողովի օրակարգում երեք հարց է՝ Պալատի խորհրդի ընտրություն, կարգապահական գործ պատրաստող անձանց ընտրություն և Փաստաբանի օր սահմանելու վերաբերյալ քվեարկություն: Ընտրությանը մասնակցող փաստաբանների թիվը՝ 1779:

Ինչպես և նախատեսված էր, քվեարկությունը սկսել է ժամը 10-ից, տևելու է մինչև 17-ը: Քվեարկության ավարտից անմիջապես հետո հաշվիչ հանձնաժողովը կսկսի հաշվարկի գործընթացը:

Պալատի խորհրդի անդամների թեկնածուները 39-ն են, կարգապահական գործ պատրաստողների թեկնածուները 20-ն են:

ՔՎԵԱՐԿՈՒԹՅԱՆ ԿԱՐԳ

1. Հաշվիչ հանձնաժողովի նախագահը քվեարկության օրը և ժամին՝ հայտարարում է քվեարկության սկիզբը և թույլատրում ընտրողների մուտքը քվեարկության սենյակ:
2. Քվեարկության սենյակում հաշվիչ հանձնաժողովի անդամներից և քվեարկողներից բացի, կարող են ներկա լինել թեկնածուների մեկական վստահված անձինք, դիտորդները: Թեկնածուն քվեարկության ընթացքում քվեարկության սենյակում կարող է գտնվել միայն քվեարկությանը մասնակցելու համար:
3. Քվեարկության սենյակում միաժամանակ չի կարող գտնվել Հաշվիչ հանձնաժողովի նախագահի կողմից որոշված քանակից ավելի քվեարկող: Քվեարկության բնականոն ընթացքն ապահովելու համար Հաշվիչ հանձնաժողովի նախագահն իրավունք ունի ընտրողներին քվեարկության սենյակ թողնելու հերթով՝ մեկ-մեկ:
4. Գաղտնի քվեարկության մասնակիցը՝ փաստաբանների պալատի անդամը (այսուհետ նաև՝ ընտրող), մոտենում է համապատասխան սեղանին ներկայացնելով անձը հաստատող փաստաթուղթը կամ փաստաբանի վկայականը: Հաշվիչ հանձնաժողովի անդամը ստուգում է ընտրողի տվյալները, որից հետո ընտրողը ստորագրում է իր անվան դիմաց և նրան տրամադրվում են քվեաթերթիկներ: Քվեաթերթիկները տպագրված են՝
 - 22 փաստաբանների պալատի խորհրդի անդամների ընտրության քվեաթերթիկները՝ սպիտակ գույնի թղթի վրա,
 - 22 փաստաբանների պալատի կարգապահական գործը նախապատրաստող անձանց ընտրության քվեաթերթիկները՝ դեղին գույնի թղթի վրա,
 - «Փաստաբանի օր» սահմանելու մասին հարցի ընտրության քվեաթերթիկները՝ կանաչ գույնի թղթի վրա:
5. Քվեաթերթիկները ստանալուց հետո ընտրողը մոտենում է քվեախցիկին և կատարում իր ընտրությունը: Ընտրողը քվեախցիկում յուրաքանչյուր քվեաթերթիկն առանձին-առանձին քառապատիկ ծալում է և քվեախցիկից դուրս գալուց հետո այդ վիճակով գցում է նշված խմբի համար առանձնացված քվեատուփի մեջ: Ընտրությունը կատարելուց անմիջապես հետո ընտրողը հեռանում է քվեարկության կատարման վայրից:
6. Քվեարկության ժամանակ ընտրողը նշում է կատարում իր նախընտրած թեկնածուների կամ տարբերակի օգտին, որը չպետք է գերազանցի՝
 - Փաստաբանների պալատի խորհրդի անդամների ընտրության ժամանակ՝ 12 (տասներկու) թեկնածուների թվաքանակը,
 - գործը նախապատրաստող անձանց թեկնածուների ընտրության ժամանակ՝ 20 (քսան) թեկնածուների թվաքանակը, իսկ
 - «Փաստաբանի օր» սահմանելու մասին օրակարգային հարցի քվեարկության ժամանակ՝ 1 (մեկ) տարբերակը:
 Սույն կետում նշված պահանջը խախտելու դեպքում քվեաթերթիկը կհամարվի անվավեր:

7. Քվեարկությանը մասնակցելու դժվարություններ ունեցող ընտրողների համար քվեարկությունը մատչելի դարձնելու նպատակով Հաշվիչ հանձնաժողովը պարտավոր է սահմանել լրացուցիչ հնարավորություններ՝ ապահովելով քվեարկողի կամքի ազատ արտահայտման հնարավորությունը և քվեարկության գաղտնիությունը:

8. Ընտրողը քվեարկությանը մասնակցում է անձամբ: Լիազորված անձանց միջոցով քվեարկությունն արգելվում է:

9. Քվեաթերթիկն ինքնուրույն լրացնելու հնարավորություն չունեցող ընտրողն իրավունք ունի Հաշվիչ հանձնաժողովի նախագահին տեղեկացնելուց հետո քվեարկության խցիկ հրավիրելու այլ անձի, որը չպետք է լինի Հաշվիչ հանձնաժողովի անդամ կամ վստահված անձ: Անձն իրավունք ունի օգնելու քվեաթերթիկն ինքնուրույն լրացնելու հնարավորություն չունեցող միայն մեկ ընտրողի: Բացի նշված դեպքից, քվեաթերթիկը լրացնելիս քվեարկության խցիկում այլ անձի ներկայությունն արգելվում է:

10. Եթե ընտրողը կարծում է, որ քվեաթերթիկը սխալ է լրացրել կամ վնասել է, ապա կարող է դիմել Հաշվիչ հանձնաժողովի նախագահին՝ նոր քվեաթերթիկ ստանալու համար: Հաշվիչ հանձնաժողովի նախագահի հանձնարարությամբ ընտրողին հատկացվում է նոր քվեաթերթիկ, ընտրողների ցուցակում կատարվում է համապատասխան նշում տվյալ ընտրողի անվան, ազգանվան դիմաց: Սխալ լրացված (վնասված) քվեաթերթիկն անհապաղ մարվում է:

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```